

Mércores, 22 de xullo de 2026

Núm. 138

ADMINISTRACIÓN LOCAL**PROVINCIAL****DEPUTACIÓN PROVINCIAL****Subvencións e axudas**

*EXTRACTO DO ACORDO DA XUNTA DE GOBERNO DA DEPUTACIÓN DE PONTEVEDRA
DO 17 DE XULLO DE 2026 POLO QUE SE APROBAN AS BASES DO PROGRAMA
“+CONVIVENCIA INCLUSIVA” E A CONVOCATORIA DE 2026*

*EXTRACTO DO ACORDO DA XUNTA DE GOBERNO DA DEPUTACIÓN DE PONTEVEDRA DO 17 DE
XULLO DE 2026 POLO QUE SE APROBAN AS BASES DO PROGRAMA “+CONVIVENCIA INCLUSIVA”
E A CONVOCATORIA DE 2026*

BDNS(Identif.):920493

De acordo co disposto nos artigos 17.3.b e 20.8.a da Lei 38/2003, do 17 de novembro, xeral de subvencións, publícase o extracto da convocatoria, cuxo texto completo se pode atopar na Base de Datos Nacional de Subvencións

(<https://www.infosubvenciones.es/bdnstrans/GE/es/convocatoria/920493>)

1. Obxecto

Estas bases teñen por obxecto regular a convocatoria do programa “+Convivencia inclusiva” para o exercicio 2026, así como establecer o procedemento e as condicións que rexerán a concesión de subvencións destinadas a entidades de iniciativa social sen ánimo de lucro que desenvolvan actuacións de lecer inclusivo no ámbito da discapacidade e da dependencia na provincia de Pontevedra.

2. Financiamento, contías e límites

2.1. A contía prevista para esta convocatoria de subvencións, con cargo á aplicación 26/231.2311.480.05 do Orzamento xeral da Deputación para o ano 2026, ascende a cento vinte e cinco mil euros (125.000,00 €), que representa o máximo de obrigas que se poden adquirir con cargo a esta convocatoria.

2.2. A contía máxima da axuda será de dous mil cincocentos euros (2.500,00 €) por entidade, ata esgotarse o crédito orzamentario asignado para esta convocatoria. Non obstante, a contía efectiva concedida poderá axustarse durante a fase de xustificación en función dos gastos realmente xustificadas polas entidades solicitantes.

O importe final concedido determinarase segundo os custos acreditados na documentación presentada durante a xustificación, de modo que a axuda non poderá superar a contía de 2.500,00 euros nin exceder os gastos xustificadas.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: L67CQR6M6FL7KLOG



Mércores, 22 de xullo de 2026

Núm. 138

3. Principios reguladores

A xestión e resolución deste procedemento atenderá aos seguintes principios:

- a) Publicidade, transparencia, igualdade e non discriminación.
- b) Eficacia no cumprimento dos obxectivos fixados pola Administración outorgante.
- c) Eficiencia na asignación de efectivos e no uso de recursos públicos.

Ao tratarse dunha convocatoria de subvencións en concorrencia non competitiva, as solicitudes que reúnan os requisitos da convocatoria resolveranse pola orde de prelación referida na base décimo sexta.

4. Compatibilidade e incompatibilidade das subvencións

As subvencións reguladas nesta convocatoria son compatibles con outras subvencións, axudas, ingresos ou recursos destinados á mesma finalidade, procedentes de calquera Administración ou entidade pública ou privada.

En ningún caso a suma de todas as axudas poderá superar o 100 % do custo da actividade subvencionada, e reducirase proporcionalmente, se é necesario, a contía concedida.

Para estes efectos, en canto se teña coñecemento da obtención doutras subvencións para a mesma actividade, a entidade beneficiaria deberá comunicarllo á Deputación de Pontevedra e, nese caso, o importe da subvención será obxecto da minoración que corresponda.

5. Entidades beneficiarias e requisitos

5.1. Poderán solicitar estas axudas as seguintes entidades:

- Entidades de iniciativa social que figuren no Rexistro Único de Entidades Prestadoras de Servizos Sociais (RUEPSS) da Xunta de Galicia, regulado no Decreto 254/2011, de 23 de decembro, nas áreas de dependencia ou discapacidade. En caso de que a información que conste neste rexistro non estivese actualizada, a entidade solicitante deberá comunicalo e achegar a información necesaria.

5.2. Requisitos das entidades beneficiarias

- Ter domicilio fiscal, sede social ou unha delegación permanente na provincia de Pontevedra. Entenderase por “delegación permanente” aquela que conte con persoal permanente da organización e local fixo onde realice as súas actividades.
- Carecer de fins de lucro e ter finalidades coincidentes co obxecto da subvención, segundo os seus estatutos.
- Estar ao corrente das súas obrigas coa Axencia Estatal de Administración Tributaria (AEAT), coa Axencia Tributaria de Galicia (ATRIGA), coa Seguridade Social e coa Deputación de Pontevedra.

Pode verificar a integridade deste documento no seguinte enderezo:

<https://sede.depo.gal>

Código seguro de verificación: L67CQR6M6FL7KLOG



- Non incorrer en ningunha das prohibicións previstas na Lei 38/2003, de 17 de novembro, xeral de subvencións (LXS), nin estar incluídas nos supostos de incapacidade ou incompatibilidade para percibir axudas ou subvencións públicas.

6. Presentación de solicitudes e prazo

6.1. As solicitudes e a documentación complementaria presentaranse obrigatoriamente por medios electrónicos a través do procedemento específico dispoñible na Sede electrónica da Deputación de Pontevedra, de acordo co establecido nos artigos 14.2 e 16 da Lei 39/2015, de 1 de outubro, do procedemento administrativo común das administracións públicas (LPACAP). A representación poderase acreditar mediante calquera medio válido en dereito que deixe constancia fidedigna da súa existencia, segundo o previsto no artigo 32 do Regulamento de actuación e funcionamento do sector público por medios electrónicos, aprobado polo Real decreto 203/2021, de 30 de marzo.

Para a presentación das solicitudes a Sede electrónica admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNle).

6.2. O prazo para presentar as solicitudes será de dous (2) meses, contados a partir do quinto día hábil seguinte ao da publicación destas bases no Boletín Oficial da Provincia de Pontevedra (BOPPO).

7. Réxime xurídico

As subvencións rexeranse por estas bases reguladoras. Supletoriamente, aplicarase o disposto na LXS; na Lei 9/2007, de 13 de xuño, de subvencións de Galicia; na Ordenanza xeral de subvencións da Deputación de Pontevedra; nas bases de execución do Orzamento vixente da Deputación de Pontevedra; e na demais normativa aplicable.

Así mesmo, rexeranse pola Lei 40/2015, de 1 de outubro, do réxime xurídico do sector público, pola LPACAP e polas demais normas de dereito administrativo e, no seu defecto, polas de dereito privado.

8. Outros datos de interese

- Gastos subvencionables: aqueles gastos directamente vinculados á realización das actividades incluídas nas tipoloxías de actuacións dirixidas ás persoas usuarias da entidade, sempre que respondan ao obxecto e á finalidade do programa e se axusten aos criterios establecidos nestas bases reguladoras.
- Documentación complementaria: a establecida na base décimo primeira.
- Procedemento de concesión e criterios de prelación: os establecidos na base décimo sexta da convocatoria.
- Compatibilidade: si.



Mércores, 22 de xullo de 2026

Núm. 138

- Forma de xustificación: mediante a documentación requirida na base décimo oitava da convocatoria.
- Forma de pagamento: transferencia.
- Prazo máximo de xustificación: como máximo, ata o 30 de abril de 2027, este incluído.

Pontevedra, 21/07/2026

O presidente, Luis López Diéguez

Pode verificar a integridade deste documento no seguinte enderezo:
<https://sede.depo.gal>
Código seguro de verificación:L67CQR6M6FL7KLOG

